

黔南叢書

第四集第三冊

香草詞卷四

黔南叢書第四集

亭山山人陳鍾祥 息凡

念奴嬌

趙州城西劉氏園牡丹頗盛紅白交跼花時爛漫
可愛有綠色者甚奇余並乞得數本置齋中因
爲製一拍

春光九十算嬌紅姹紫幾番風度解釋闌干無限恨除
卻花王休數衣染天香酒酣國色富貴風流趣一枝穠
豔羣芳莫與爭嫵 偏愛白玉盤盃雪膚豐綽粉蜨翩

隨舞別有瑤姬栽綠萼自訂霓裳仙譜漫說姚黃休誇
魏紫翠黛誰爲主東皇笑許阿嬌金屋同住

望海潮

大蓬瀛外安生島上仙人妙自移家巒翠萬尋蒼波幾
疊從他嘯傲煙霞偏有棗如瓜更釀些春色種徧桃花
笑指天台阿誰洞口飯胡麻 壺中日月爭誇待冷然
御我便欲乘槎瓊室半區淩空雙嶼飛來瀑布三叉驂
鶴倚風斜喚醒希夷睡好服丹砂約得袁安雪中高臥
足生涯

前調

月殘風曉紅牙夢斷思量綺語無聊夢草雨窗蘇辛幾
輩青天碧海迢迢金粉憶南朝儘鳥嘯花落前度魂銷
拍徧闌干隔江聽唱雨瀟瀟 宮商漫自推敲有知音

可問須問瓊霄哀怨少陵蒼涼白石情懷一樣蕭騷三
影韻偏嬌唱罷梅黃曲紅燭深宵玉笛橫吹仙人鶴背
許相邀

木蘭花慢

卻扇詞

望團圓皎月高簇護著雲幘是桃正天天華偏灼灼葉
又蓁蓁風飄繡帷香靄看女兒箱壓十三經報道水晶
簾下催妝幾度詩成 氤氲百兩喜盈門歡聽鶯巢聲
有射雀屏風乘龍佳客綵鶴吹笙人間轉疑天上待銀
河漏永渡雙星從此宜家百福蘋繁瓜瓞同賡

一翦梅

逸趣忙中好自尋打破塵心窺破仙心祈年課雨尙殷
勤卻喜新陰又喜新晴 紛紛棋子落殘枰草木皆兵
風鶴皆聲遊蹤且漫逐紅塵渺渺知音瑣瑣閒評

前調

閨情

漫撚絃索隔紗窗喜趁新涼巧度新腔晚來浴罷倚殘
妝出了蘭房過了迴廊攜手招呼姊妹行鬢上花香
口上脂香喃喃私語怨檀郎酒興能狂詩興能忙

桂枝香

心懷旖旎在桂子香中木樨風裏一種溫柔綽約能令
公喜月中雲外情無限愛團圓影長如此酒餘歌罷星
眸波潑笑微顰齒有多少聰明弟子竟淪落紅塵蘭

飄蕙萎都是泥塗骯髒阿誰憐爾秋墳唱到嬌燒曲好
年華花片流水雨花臺上化身須認色空眞諦

竝蒂芙蓉

別擅幽姿向月中露下天成佳妙移植到花叢現身特
嬌小嫣紅臉堪映日顧影淩波正清曉恁般窈窕看輕
盈態度宜顰宜笑妝成短衫廣袖更雙了側髻誰家
年少彈恨出琵琶倚風弄新調青衫祇餘淚落欲對芙
蓉生長嘯晚煙夕照問秋江有誰知道

倦尋芳

斷橋野店桃李漫山休厭粗俗墮白飄紅不許好春拘
束倚東風唱明月柳綿無力饒輕薄儘嬌姿也花茵溷
入泥塗嗟辱 倦遊客茶餘酒半抖數征塵還聽絃索
忽地相逢莫問天涯海角青眼有誰能辨識紅顏自古
多淪落最關情五更雞又催鈴鐸

滿庭芳

七夕立秋作

已過三庚剛逢七夕一葉又報新秋雨餘風定纖月正
如鉤清簾疏簾綦罷輕羅小扇螢流天如水涼初有味

花入曝衣樓 新愁閒撥逗都歸眼角陡上心頭望銀
河盈盈波影斜兜祇說人間乞巧誰知天上溫柔橋填
鵲穿鍼學拜無語待牽牛

前調

玉敕頒來金仙證到紫氣正溢瓊霄貝宮瑤島嘉會赴
蟠桃五百庚申守過三千甲子經銷丹初熟葫蘆打破
九九說今朝 飄飄飛渡了元元道妙栩栩逍遙試回
頭花間夢底全拋悟徹文章盡幻憑他風月爭嬌羅浮
外太常舊史跨鶴引雲璈

摸魚兒

詠桂

甚蟾宮發來奇卉天香飄到雲外人間種得雲中樹卻
自郁芬堪愛凝春靄認金粟如來現出莊嚴界花曇葉
貝向高嶺生時小山留處參破木樨派 濃秋裏未了
詩情酒債深情誰更無賴吳剛斫罷姮娥折應許玉簪
爭戴佳意態須是紉芙蓉裳結秋蘭佩花前靜對把明
月呼來香風引滿和露替花畫

前調

月餅

憶中秋月明如此天邊爭識圓相團圓喜向人間說佳
餌試留新樣歡宴上須白玉盤盛明鏡臺安放嘉情特
貺要美滿無瑕常圓不缺歡喜祝無量 誰家院一片
秋情正暢年年光景堪餉紅綾飽餖人歸後又聽到霓
裳唱斟桂釀還領得新茶今夜剛逢望休驚七鬯好味
過回甘妙參圓覺壺嶠去相訪

前調

徐鐵卿繪松鼠蒲桃便面爲贈戲製此拍酬之

見模餽眼光如豆跳來何處仙鼠卷毛鉤爪搖修尾休
誤認偷桃侶翩欲舉看滿架葡萄粒粒圓如黍心期暗
許要醉倒清陰飽餐碩果肯向穴中處 徐熙筆贏得
閒情付汝毫端疑有風雨松間呼出非皮相還作怒獅
蹲舞誰畫虎須電目張牙山谷爭吞吐神奇化腐試添
箇狸奴撲將蝴蝶瞥轉迅教捕

前調

蒼茫獨立幘子爲鍾官城題

眼茫茫亘天彌地沈寥空闊如許閒來立盡蒼苔影零

亂冶春紅雨憑四顧算祇好清風明月堪爲侶恩恩細
數有幾箇英雄幾家成敗離合幾兒女君休管多少
來今往古翛然形影相與高歌狂嘯終誰屬還覓醉時
情緒應記取先住脚須牢依傍歸何所吟回杜句儘上
下千年縱橫萬里獨自便將去

前調

星廬少尹以孔林著草見貽詞以志幸

信神奇草能知數妙通當日義畫圖書試與觀河洛原
有自然之易參太極看打破陰陽動靜分凶吉閨還掛

一是著本圓神卦由方智象以四時揲 靈根在惟有
義陵孔碣萌芽千古長茁仙芝靈藥成虛誕何況菩提
花葉變十八從兩兩三三奇耦頻相益貽來五十須悟
到先天用歸大衍心契道源徹

前調

調琴舞鶴圖爲胡畬亭題

問何人撫琴馴鶴飄然塵外仙吏休疑清獻來西蜀清
白洛陽家世渾不是竟鼓罷昭文放到煙霞翅鳴陰和
子須奏入簫韶引來鸞鳳歌曰喜哉起 披圖笑僕卻

襤褸如此無絃心迹聊寄梅花千樹西湖月都付高山
流水誰得擬到和靖亭邊一曲泠泠耳松間小憩快煮
茗揮絃呼童刷羽足令乃公喜

前調

題壁間松鶴圖

斗清涼雪飛濤湧松間調舞雙鶴仙禽胎息千年後一
任雨梳霜剝風謾謾到餐飽煙霞不改全身綠山深澗
曲問樹不知年味無煙火相對淡然獨 仙人見坐到
日長陰足還呼明月來續鶴聲時與松聲應長嘯一聲

高落休顧愕總完了清虛一味清閒樂
翛然絕俗本古怪支離雲中矯矯誰許受拘束

前調

蝨蝨

北方草蟲名善鳴作曳聲能耐寒秋冬士女以
雕籠或刻繪葫蘆蓄之以鳴道光間宮中亦多
蓄者嘗發江西景德窰爲瓷鼻煙壺上繪蝨蝨
狀一時頗矜重

可憐蟲曼聲傾耳祇疑飄作涼雨階前促織遙相和愁

起征人思婦秋在宇趁颿颿風振動莎雞羽悠揚逸
趣知不是蟬琴非關剎笛又不是蛙鼓月明下須向
瓜棚豆圃何來天籟如許有人讀曲挑鐙罷添寫入吟
秋句霜氣苦休悶倒葫蘆長伴寒閨度宮中舊譜記景
德密兒鼻煙瓶子曾繪草蟲舞

前調

趙地多種棉秋成彌望詞以志之

喜漫漫一秋晴足花鋪千隴如雪春蠶葉底三眠後盼
到熟棉時節霜氣積看比飛絮猶濃輕煙還白連阡滿